


www.BibleForChildren.org

Matthew 26



Aizii 6 kamoo
Passover Kamoon
ua'ii Jesus makon
Bethany iti, Lazarus
mashaapa-kiziz, tawuru'u
ukakudaniaz pidan. Mary
zaamatankan pootozu zo'a'o
kawinipina'o ramau,
paoribai nard kiwin idi'o
pa'idiwaru utoma-kao, uru'u naa
oshootanuz Jesus kidiba iti,
udauna'an o'inoan ukidiba padizo
idi. Ipai ukaduunua'akan kabaun nazoo.



Udauna'an Judas Iscariot, uruu 12 Jesus
tominapa-kidaniinao bii iki'o makon faadaanao
zowaunaanao di'iti, ukaakapa'anan
Jesus ĩ'ati. ĩ'abatan idi
una'apan, sariapa ĩ'konaukian.
Na'iki ĩ'kian ĩ'taan nii puraata
u'ati. Uruu dauna'an
udi'itinpan naa
na'apam kizi
pakaakapaan
Jesus ĩ'ati.



Uruu idi ñmakon ñsha'apata'anan
naa Jesus paradan kawana'ati.
Ñminiziiwa-kidan naa Passover
wanyukunuunaa. Ñarooan pu'a'a
naa, Jesus zaamatan bread na'iki
utoriinapa-kidanuz. Udauna'an
udushoonuzu, uru'u naa utaanuzu
ipai patominapa-kidaniinao
kawana'ati, na'iki ukian ñ'ati,
"Unika di'i, õnanaa
wuru'u õtaaniaz
u'ati."



Udauna'an uzaamatan koopo
kawazo'o wine idi, na'iki
utoriinapa-kidanuz. Udauna'an
utaanuzu ĩ'ati na'iki ukian ĩ'ati,
"Ipai unao utuza di'i. Di'oraz
õizain kainaabata'o mishi'o nii
Tominkaru sha'apatan
pasha'apata'azoniaz pidannao ati.
Uruu õizain shootan ida'an
Tominkaru
marina'atan
iriba pidannao
oian."



Jesus kian koshan, "Simon, puabata õparadan. Satan pishaani'i naa Tominkaru unao dau'an, ukau'an utiwaa-kidapan nii unao, na'apa pidan manaruan kawan zaishi padyukuo ai. Mazan õtoriinapani'i naa pugaru ati Simon, punyukunuu ma'ozaka kizi, aonaa kizi pumuudan pumishidapan õgaru. Na'iki puma'ozakada'a naa pa'i ba'oran mishidainao nyukunuu, pupadantan dono õ'ida'ati."




Sariapa Peter kian u'ati, "Naobanai, õgaru, turuu õtaraa-kidinan na'iki õmawakan putuma." Jesus kian u'ati, "Peter, aizii wuru wamarutan ida'a, kuruku ka'aranpan ua'ii, pumariidinan nii idikinau õdau'an. 'Aonaa õaitapan uruu,' pukian nii õdau'an pidannao ati."




Udauna'an Jesus na'iki
utominapa-kidaniinao
makon naa Gethsemane
iti. Na'ii ukian ñ'ati,
"Da'a'a naa zii pa'i
usakanatapa'a õtoriinpan
pu'u di'itanpu'u." "Paapaa,
Õdaru, ipai aimaakan
masha'apannaa pu'ati.
Turuu pudobata-kidan wuru'u
õbaiaapa'azoniaz õ'ai. Mazan
aonaa õaipan kawana'ati mani,
soo puaipan kawana'ati pa'an."



Ukau'an na'iti'i naa Judas makon, una'akan bauda'apa
utonazinaa soldyaanao. Na'iki watchmantapainao
Tominkaru Dapu bii ikiinao kapam, ñnao faadaanao
zowaunaanao na'iki Phariseenao dyuudaniinao.
Ñna'akapanii mizaataaka-kinai kida.
Aizii ba'orainao ñna'akapanii
palampan kida.



Upu'a'a naa mazan bauda'apa pidan Jesus tominapa-kidaniinao bii iki'o, so'ota'akan naa marii za'aba'i, na'iki usa'ukan Umanawunu'o Faadaa poitoru tain. Mazan Jesus kian ñ'ati, "Turua'a naa!" Udauna'an upishata'akan naa pidan tain na'iki kaiman usaaba'akan powaa itiz.



Udauna'an ĩzaamata'akan naa Jesus, na'iki ĩna'akan
naaz umanawunu'o faadaa dapu iti. Peter na'iti kapam
umakon ĩdawu'ati, mazan munapo uwa'akinpaanan
ĩ'ai. Uruu idi na'ia'a naa
tikazi pu'ukada-kao
panibazoo ii. Na'iki
na'ia'a naa pidannao
sakanatapan awauta
tikazi dazaba an.
Peter na'ii kapam
usakanatapan
ĩbii ii.



Na'a'o pidan, uruu kapam Umanawunu'o Faadaa poitoru, na'iki uruu iriban tawuru'u Peter sa'ukaniaz utain; ukian Peter ati, "Aonaa mooko pugaru mani tawuru'u õtukapaniaz utuma paoribai baawu ii, mishii?" "Aonaa," Peter kian koshan. Una'apan dauna'an, uru'u naa kuruku ka'aranpa'akan. Uruu idi sariapa Peter koditan pidannao bii iki, na'iki umakon paniba itinapu. Na'ia'a naa uzaadan tuukii, tuukii.



Uruu idi ipai pidannao, wuru'u
abatapainao kidaz na'ii kadishia'akan.
Udauna'an ĩna'akan naa Jesus Pilate
di'iti. Atii ĩkaawa-kidan na'itizu.
Udauna'an Pilate pishaan naa Jesus,
"Mishi pugaru wuru'u
king ni'oraz Jewnao
ati?" "Una'apan sha'atii
kaiwuru'u puna'apanuz,"
Jesus kian u'ati.




Tuukii padamata Pilate tiwaan pakodita-kidan Jesus, uruu idi na'apa koshan ukian ñ'ati kiwiini'o kawan. Mazan ma'ozaka ñkadakoinan u'ati. "Marii utauka-kao cross di'iti! Marii utauka-kao cross di'iti!" ñkiainan u'ati.




Uru'u naa Pilate taan Jesus ñati,
marii kizi'i naa soldyaanao taukan
uruu cross di'iti. Uru'u naa
soldyaanao na'aka'akan naa Jesus,
Ukodita-kida-kao donoi iki
uwaodatapa'a naa pacrossanna,
na'iki una'aka-kao
Pidan-Zowau-Niwa'uz-naawa
kia'o amazada dakota-kao di'iti.
(Golgotha, kia'o udakota-kao
Hebrew ida'an.)



Na'ia'a naa ãtaukan Jesus cross di'iti.
Na'iki dya'utam pidannao tauka-kao
udazaba'a, ba'oran cross kida
di'iti. Bauda'apa tauka-kao
udiwa'ora antanapu,
ba'oran
tauka-kao
uwashabaron
antanapu.



Aizii Tominkaru Dapu nazo ii masha'apakiaka kamicha mada wuru'u awautapa'oraz unazoo kida, kuzuuta'akan pazikon an, doko iki atii uwaranu iti. Upu'a'a naa Jesus kadako'okan naa diiwa'o ida'an. "Õdaru, puka'u iti õtaan õdoronaa," ukian. Mazan umawaka'akan naa.



Kaina'a Joseph Arimathea san, na'iki
uruu umanawunu'o nii pidannao
taapan, na'iki uruu zaudapa'o
kapam Tominkaru
Naobanai-tinan kamoon
kaawan. Kamoo
tipitan ua'ii
uma'ozakada'akan
panyukunuu na'iki
umakon,

upishaa'anana Pilate
Jesus nanaa dau'an.



Uruu idi Joseph torian naa
kawinipina'o kamicha mada, na'iki
utoka-kidan naa Jesus nanaa.

Udauna'an upapidan naazu
kamicha mada idi, na'iki
umuudan naazu
kichada-kariwai
kuba nazo ii.


Udauna'an utarata'akan
naaz udaru'o kuba idi.



Ba'oran kamoo uruu Sookapa-karu
Kamoon dono faadaanao
zowaunaanao na'iki
Phariseenao makon
Pilate di'iti.



Īkian u'ati, "Naobanai, wanyukunuian
na'apam tawuru kianu'o
mariidinauzoz pakakupan
dono zii. Ukian,
'Idikinauda'u kamoo
ōmawakan dauna'an,
ōkadishitan nii
kakupa koshan."



Uruu idi ãmakon naa baaranai iti.
Na'ii ãmuudan naa pakainaariba
kuba kida ukita-kaõ ai,
na'iki ãwa'akan naa
soldyaanaõ awunuutapa'o
nii wuru'u baaranaiz.




Aizii Sookapa-karu Kamoon dauna'an,
na'iki Sunday wakanada'anan
di'iti, Mary Magdalene
na'iki ba'oran Mary
awunuuta'anan naa
baaranai.



Masha'apakiaka imi'i baara nakainan
ma'ozaka'o ida'an na'ii, Tominkaru
angelin kaawan idi aokazi iki
na'iki umakon baaranai iti,
udoroduraa-kida kuba
baaranai ai, na'ii
usakanatan uruu
kuba paawa'a.
Tuukii soldyaanao

awunuutapainao
naka-nakaan
patarian idi
u'ai, na'iki
ĩdorauta'akan naa
mawakauanaka.



Aizii angel kian zunnao ati, "Aonaa utaria'ana'a, ðaitapa wuru'u uwa'atinuz utukapa'anan Jesus, tauka-kariwaiz cross di'iti. Aona'a naa uruu nii da'a'a, kadishita'a naazu pamawaka-kizi iki, na'apa pakiauzon kawana'ati.

Uwa'ati mooko da'ati'i utukapa di'i wuru'u umuuda-kizinaoaz."




Uruu idi zunnao makon naa dopiauda'u'o
ida'an, ĩtarian mazan ĩkonaukian pu'u
kapam. Aizii ĩmakon dimapa
ĩkakuwaapa'anan naa Jesus
tominapa-kidaniinao ati.

Masha'apakii Jesus aidina'akan
ĩkanaapu ii, "Kaiman," ukian
ĩati. Sariapa ĩaitapa'akanuzu,
uruu idi

ĩmako'okan
u'idi'iti,

ĩkodoru'ukan na'iki ĩzaamatinan
ukidiba iki, ĩmanawuntapanuz.





Uruu dauna'an Jesus aidinan 11
patominapa-kidaniinao ati, ãaroapatinan pu'u.
Uto'orauauzon ãdyaun ãmamishidakan na'iki
ãdadaradan idi panyukunuu tuukii manawun, aonaan
idi ãmishidan utukapikinao paradan. Jesus ipaian
dauna'an pakadakotinan ã'ati, una'aka-kaoa'a
naa aokazi iti. Na'ii usakanatan
Tominkaru diwa'ora antanapu.



Tominkaru marainpan idi manawun
pidannao, utaa paudani bauda'apauzon.
Ukau'an na'ia'oram pidan mishidan
dono uruu, aona'o nii umawakauzon,
mazan uikodan nii karikaonanu'o
kakupa-karu.



Romans 3:23

Usha'apanum kau'an ipai pidan oia'o pa'idiwaru, aonaa kanom ikodinan Tominkaru umanawunun.

Romans 6:23

Usha'apanum kau'an oia'o sha'apata-kao winipinaa karikaonanu'o mawaka-karu. Mazan Tominkaru taanii mawinipinaa-daun karikaonanu'o kakupa-karu, wazaamatinpan ida'an Christ Jesus wanaobanaa ida'ati.

Hebrews 9:27

Ipai pidan mawakan nii baukapa, na'iki uruu dauna'an ikootowapa-kida-kao nii Tominkaru kanaapu iti.



Ephesians 2:8,9

Tominkaru kamunanun idi manawun, ukazannaatan unao umishidan idi Christ. Aonaa unao kaimanan idi'o mani wuru'u ukazannaatanuz unao, mazan kana'apani'o karikaonan utaan. Na'iki aonaa unao sha'apatan dikin ia'o mani kaiman kida'o aimaakan, uruu idi aonaa turuu pidan kian "Õkaimanan idi'o manawun wuru'u òkazannaata-kaoz."

Romans 10:9,10

Pukian an pidannao ati: "Jesus, uruu umanawunu'o òNaobanaa," na'iki pumishidan an punyukunuu iki Tominkaru kakudan uruu umawakan dauna'an, Tominkaru kazannaatan nii pugaru. Wamishidan idi'o wanyukunuu ii, Tominkaru dakotan waunao kaimana'o pidannao nii. Na'iki wakowaadan idi'o Jesus, uruu umanawunu'o waNaobanaa, Tominkaru kazannaatan waunao.



John 3:16,17

"Tominkaru marainpan idi manawun pidannao, utaa paudani bauda'apauzon. Ukau'an na'ia'oram pidan mishidan dono uruu, aona'o nii umawakauzon, mazan uikodan nii karikaonanu'o kakupa-karu. Tominkaru dyuudan pauDani imi'i baara ati, aonaa pataka'uta'o ni'o mani pidannao pa'oian dikin ii, mazan ãkazannaatin-kinaa ni'o pa'an.

1 John 5:11-13

Kaikapa'o wuru'u ukuwaaz: Tominkaru taani'i naa wa'ati karikaonanu'o kakupa-karu, na'iki wazaamatanuzu Tominkaru Dani ida'an. Pidan zaamatanpa'o Tominkaru Dani ida'ati, kaina'a'ora'a naa karikaonanu'o kakupa-karu u'ida'a. Mazan pidan, aona'oraz uzaamatanpan Tominkaru Dani ida'ati, aonaa karikaonanu'o kakupa-karu nii u'ida'a. Õsaadan di'ora'a kaarita unao ati, mishidainao Jesus Tominkaru Danin, uaitapa kizi kaina'a'ora'a naa karikaonanu'o kakupa-karu u'ida'a.



Matthew 26-28; Luke 22-24; John 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Wapishana NT (wap) © 2012, Wycliffe Bible
Translators, Inc. All rights reserved.

<https://live.bible.is/bible/WAPWBT/MAT/1>

©2026 Bible for Children, Inc.

www.M1914.org

www.bibleforchildren.org

